



4 5 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2



第四五妙境界樂者四十八願莊嚴淨土一

切万物窮<sup>羨</sup>極妙所見悉是淨妙色所聞無  
不解脫聲香味觸境亦復如是謂彼世界以  
瑠璃為地金繩界其道坦然平正無有高下  
恢廓曠蕩無有邊際晃光耀微妙竒麗清淨以  
諸妙衣遍布其地一切人天踐之而行已上相



衆寶國土一一界上有五百億七寶所成宮殿樓閣高下隨心廣狹應念諸寶床座妙衣敷上七重欄楯百億華幢垂珠瓔珞懸寶幡蓋殿東樓上有諸天人常作妓樂歌舞詠如來已。上誦堂精舍宮殿樓閣內外左右有諸浴  
宮殿

池黃金池底白銀沙白銀池底黃金沙水精池底琉璃沙琉璃池底水精沙珊瑚鹿頭車葉瑪瑙白玉紫金亦復如是八功德水充浦其中寶貝沙映徹無深不照八功德者一澄淨輕重五潤澤六安和七飲時除飢渴等無量追患八飲已定能長養諸根四大增益種種殊勝善根

四邊階道衆寶合成種々寶華赫覆池中青蓮有青光黃蓮有黃光赤蓮白蓮各有

其光微風吹來華光亂轉一一華中各有菩薩一一光中有諸化佛縱瀾迴流轉相灌注安詳徐逝不遲不疾其聲微妙妙無不佛法或演說苦空無我諸波羅密或流出十力無畏不共法音或大慈悲聲或無生忍聲隨其所聞歡喜無量隨順清淨寂滅真實之義隨順

菩薩聲聞所行之道又鳴鴈鶩鷺鷀鷇鷈孔雀鸚鵡伽陵頻迦等百寶色鳥晝夜六時出和雅音讚嘆念佛念法念比丘僧演暢五根五力七菩提分無有三途苦難之名但有自然快樂之音彼諸菩薩及聲聞衆入於寶池洗浴之時淺深隨念不違其心蕩除心垢

清明澧潔洗浴已訖各々自去或在空中或  
在樹下有講經誦經者有受經聽經者有坐  
禪者有經行者其中未得湏陀湏者則得湏  
陀湏乃至未得阿羅漢者得阿羅漢未得阿  
惟越致者得阿惟越致皆悉得道莫不歡喜  
復有清河底布金沙淺深寒溫曲從人好衆

人遊覽同赴河濱已上水相  
池畔河岸有栴檀樹  
行、相當葉、相次紫金之葉白銀之枝珊瑚  
之華車渠之寶一寶七寶或紺或雜枝葉  
華菓莊嚴映飭和風時來吹諸寶樹羅網微  
動妙華徐落隨風散馥雜水流芬況出微妙  
音宮商相和譬言如百千種樂同時俱作聞者

自然念佛法僧彼第六天万種音樂不如此樹一種音聲葉間生華上有葉皆放光明化為寶蓋一切佛事映現蓋中乃至欲見十方嚴淨佛土於寶樹間皆悉照見樹上有七重寶網寶網間有五百億妙華宮殿宮殿中有諸天童子瓔珞光耀自在遊樂如是七寶

諸樹周遍世界名華軟草亦隨處有柔軟香繫觸者生樂<sub>已上</sub>樹林衆寶羅網亦滿虛空懸諸寶鈴宣妙法音天華妙色續紛亂墜寶衣嚴具旋轉來下如鳥飛空下供散於諸佛又有無量樂器品懸處虛空之鼓自鳴皆說妙法上虛復如意妙香塗香抹香無量香芬馥遍滿

於世界若有聞者塵勞垢習自然不起凡自  
地至空宮殿華樹一切万物皆以無量雜寶  
百千種香而共合成其香普薰十方世界菩  
薩聞者皆修佛行復彼國菩薩羅漢諸衆生  
等若欲食時七寶之机自然現前七寶之鉢  
妙味滿中不類世間之味亦非天上之味香

美無比皓酢隨意見色聞香身心清潔即同  
食已色力增長事已化去時至復現又彼土  
衆生欲得衣服隨念即至如佛所讚應法妙  
服自然在身不求裁縫染治浣濯又光明周  
遍不用日月燈燭冷暖調和無有春秋冬夏  
自然德風溫冷調適觸衆生身皆得快樂聲

如比丘得滅盡三昧每日晨朝吹散妙華遍  
滿佛土馨香芬烈微妙柔軟如瓊羅綿足履  
其上踏下四寸隨舉足已還復如故過晨朝  
已其華沒地舊華既沒更雨新華中時晡時  
初中後夜亦復如是此等所有微妙五境雖  
令見聞覺者身心適悅而不增長有情貪著

更增無量殊勝功德凡八方上下無央數諸  
佛國中極樂世界所有功德最為第一以二  
百一十億諸佛淨土嚴淨妙事皆攝在此中  
若觀如是國土相者除無量億劫極重惡業  
命終之後必生彼國依二種觀經阿旃陀經  
補讚淨土經寶積經平  
等覺經思惟等意記之世親偈云觀彼世界相勝過三

界道究竟如虛空廣大無邊際寶華千万種  
亦覆池流泉巖風動華蓋更錯光亂轉宮殿  
諸樓閣觀十方無礙雜樹異光色寶欄遍圍  
繞無量寶綺絡羅網遍虛空種々鈴發妙音宣  
妙法音衆生所願樂一切皆滿足故我願  
生彼阿旃陀佛國

第五快樂無退樂者今此娑婆世界無可耽  
玩輪王之位七寶不久天上之樂五衰早來  
乃至有頂輪迴無期況餘世人乎事與願違  
樂與苦俱富者未必壽壽者未必富或昨富  
今貧或朝生暮死故經言出息不待入息入  
息不待出息非唯眼前樂去哀來亦臨命終

隨罪隨苦彼西方世界受樂無窮人天交接  
兩得相見慈悲薰心平如一子共經行於瑠  
璃地上同遊戲於栴檀林間從宮殿至宮殿  
從林池至林池若欲寂時風浪絃管自闌耳  
下若欲見時山川溪谷尚現眼前香味觸法  
隨念亦然或渡飛梯作伎樂或騰虛空現神

通或從他方大士而迎送或伴天人聖衆以  
遊覽或至寶池邊慰問新生人汝知不是處  
名極樂世界是東主号弥陀佛今當歸依或  
同在寶池中各坐蓮臺上手說宿命事我本  
在其國發心求道之時持其經典護其戒行  
作其善法修其布施各語所好憙之功德具

陳所來生之本末或共語十方諸佛利生之  
方便或共議三有衆生拔苦之因緣議已追  
緣而相去語已隨樂而共往或復登七寶山

七寶山七寶塔七寶坊出三十住生經

浴八功德池寂然宴默讀誦

解說如是遊樂相續無間處是不退永免三

途八難之畏壽亦無量終無生老病死之苦

心事相應無愛別離苦慈眼等視無怨憎會  
苦白業之報無求不得苦金剛之身無五盛  
陰苦一託七寶莊嚴之其長別三界苦輪之  
海若有別願雖生他方是自在生滅非業報  
生滅尚無不苦不樂之名何況諸苦耶龍樹  
偈云若人生彼國終不墮惡趣及與阿修羅

我今歸命禮

第六引接結緣樂者人之在世所求不如意  
樹欲靜而風不停子欲養而親不待志難眷  
肝膽力不堪水葬君臣師弟妻子朋友一切  
恩所一切知識皆亦如是空勞癡愛之心弥  
增輪迴之業況復業果推遷生處相隔六趣

四生不知何處野獸山禽誰辭舊親如心地  
觀經偈云世人為子造諸罪障在三途長受  
苦男女非聖無神通不見輪迴難可報有情  
輪迴生六道猶如車輪無始終或為父母為  
男女世世生生平有恩若生極樂智慧高明  
神通洞達世世生生恩所知識隨心引接以

天眼見生處以天耳聞言音以宿命智憶其恩以他心智了其心以神境通隨逐變現以方便力教識示導如平等經云彼土衆生皆自知其前世所從來生及知八方上下去來現在之事知彼諸天人民螺鈞蠅動之類心意所念口所欲言何歲何劫當生此國作善

薩道得阿羅漢皆豫知之又華嚴經普賢願云願我臨欲命終時盡除一切諸障礙而見彼佛阿彌陀即得往生安樂刹我既往生彼國已現前成就此大願一切圓滿盡無餘利樂一切衆生界無緣尚余犯結緣乎龍樹偈云無垢莊嚴光一念及一時普照諸佛會利

益諸群生

第七聖衆俱會樂者如經云衆生聞者應當  
發願願生彼國所以者何得與如是諸上善  
人俱會一處已上彼諸菩薩聖衆德行不可思  
議普賢菩薩言若有衆生未種善根及種少  
善聲聞菩薩猶尚不得聞我名字況見我身

若有衆生得聞我名於阿耨菩提不復退轉  
乃至夢中見聞我者亦復如是華嚴又云我  
經意  
常隨順諸衆生盡於未來一切劫恒修普賢  
廣大行圓滿無上大菩提普賢身相如虛空  
依真而住非國土隨諸衆生心所欲示現普  
身等一切一切刹中諸佛所種種三昧現神

通一一神通悉周遍十方國土無遺者如一

一切刹如來所被刹塵中悉亦然同經

偈文殊師

利大聖尊三世諸佛以為母十方如來初發心皆是文殊教化力一切世界諸有情聞名見身及光相并見隨類諸化現皆成佛道難思議心地觀經意若但聞名者除十二億劫生死

之罪若礼拜供養者恒生佛家若稱名字二

日七日文殊必來若有宿障夢中得見所求

圓滿若見形像者百千劫中不墮惡道若行

慈心者即得見文殊若有受持讀誦名者諸

有重障不墮阿鼻極惡猛火常生他方清淨

佛土文殊般涅槃經意

彼形像如經廣說

又百千億那由他佛

利益衆生不及文殊師利於一劫中所作利益故若稱文殊師利菩薩名者福多於受持彼百千億諸佛名號寶積經意彌勒菩薩功德無量若但聞名者不墮黑闇處一念稱名者除却十二百劫生死之罪有歸依者於無上道得不退轉上生經意稱讚札拜者除百千万億阿

僧祇劫生死罪

虛空藏經  
佛名經意

無量千万劫所修

願智行廣大不可量稱揚莫能盡

華嚴經偈  
已上三菩

薩常在極樂世界  
出四十華嚴經地藏菩薩每日晨朝入恒

沙定周遍法界拔苦衆生所有悲願超餘大

士十輪經意彼經偈云一日稱地藏功德大名聞

勝俱胝劫中稱餘智者德假使百劫中讚說

其功德猶尚不能盡故皆當供養觀世音菩薩言衆生有苦三稱我名不往救者不取正覺

弘猛海  
慧經

若有稱念百千俱胝那庾多諸佛

名号復有暫時於我名号至心稱念彼二功德平莘々諸有稱念我名号者一切皆得

百一  
經

衆生若聞名離苦得解脫亦不退轉地

遊戲地獄大悲代受苦

請觀音  
經偈

弘誓深如海

歷劫不思議侍多千億佛發大清淨願具足神通力廣修智方便十方諸國土無刹不現身念念勿生疑觀世音淨聖於苦惱死厄能為作依怙具一切功德慈眼視衆生福聚海無量是故應頌礼

法華經

大勢至菩薩曰我能

堪任度諸惡趣未度衆生

寶積經以智慧光普

照一切令離三途得無上力故此菩薩名大勢至觀此善薩者除無數劫阿僧祇生死之

罪不處胞胎常遊諸佛淨妙國土

觀經意

無量

無邊無數劫廣修願力助殊陀常處大眾宣法言衆生聞者得淨眼神通周遍十方國普

現一切衆生前衆生若能至心念皆悉導令

至安樂

龍樹讚

又云觀音勢至大名稱功德智

慧俱無量具足慈悲救世間徧遊一切衆生

海如是勝人甚難遇一心恭敬頭面礼

已上

是一生補處大菩薩其數如恒沙色相端嚴

功德具足常在梵樂國圍繞殊陀佛又諸聲

聞衆其數難量神智洞達威力自在能於掌  
中持一切世界設如大目連百千万億無量  
無數於阿僧祇劫悉共計校彼初會聲聞所  
知數者猶如一滴其所不知如大海水其中  
般泥洹去者無央數新得阿羅漢者亦無央  
數而都不爲增減譬喻如大海雖減桓水雖加

桓水而無增亦無減諸菩薩衆復倍上數如  
大論云弥陀佛國菩薩僧多聲聞僧少已如  
是聖衆充滿其國平遙相瞻望遙聞語聲同  
一求道無有異類何況後十方恒河沙佛土  
無量塵數菩薩聖衆各現神通至安樂國瞻  
仰尊顏恭敬供養或贊天妙華或燒妙寶香

或獻無價衣或奏天伎樂發和雅音歌歎世  
尊聽受經法宣布道化如是往來晝夜不絕  
東方去西方來西方去北方來北方去南方  
來四維上下平亦如是更相開闢猶如盛市  
此等大士一聞其名尚非少緣況百千万劫  
誰得相見者然彼國土衆生常會一慶乎交

言語問評恭教親近承習不亦樂乎已上雙觀經  
經平等意龍樹偈云彼土諸菩薩具足諸相好  
皆自莊嚴身我今歸命禮超出三界歎目如  
蓮華葉聲聞衆無量是故稽首礼又云十方  
所來諸佛子顯現神通至安樂瞻仰尊顏常  
恭敬故我頂礼弥陀佛

第八見佛聞法樂者今此娑婆世界見佛聞  
法甚難師子吼菩薩言我等無數百千劫修  
四無量三解脫今見大聖牟尼尊猶如盲龜  
值浮木又儒童捨全身而始得半偈常啼割  
肝府而遠求般若菩薩尚余何況凡夫佛在  
舍衛二十五年被九億家三億見佛三億纔

聞其餘三億不見不聞在世尚余何況滅後  
故法華云是諸罪衆生以惡業目緣過阿僧  
祇劫不聞三寶名而彼國衆生常見弥陀佛  
恒聞深妙法謂嚴淨地上有菩提樹枝葉回  
布衆寶合成樹上覆寶羅網條間垂珠瓔珞  
風動枝葉聲演妙法其聲流布徧諸佛國其

有聞者得深法忍住不退轉耳根清徹覩樹  
色聞樹香萼樹味觸樹光綠樹相一切亦然  
至成佛道六根清徹樹下有座莊嚴無量座  
上有佛相好無邊焉瑟高顯晴天翠濃白毫  
右旋秋月光滿青蓮之眼丹葉之脣迦陵頻  
之聲師子相之胸仙鹿王之膊千輻輪之趺

如是八万四千相好纏絡紫磨金身無量塵  
數光明如集億千日月有時在於七寶講堂  
演暢妙法梵音深妙悅可衆心菩薩聲聞天  
人大眾一心合掌瞻仰尊顏即時自然微風  
吹七寶樹無量妙華隨風四散一切諸天奏  
諸音樂當斯之時熙怡快樂不可勝言或復

現廣大身或現丈六八尺身或在寶樹下或  
在寶池上隨衆生本宿命求道時心所惠願  
大小隨意爲說經法令其疾開解得道如是  
隨種種機說種種法又觀音勢至兩菩薩常  
在佛左右邊坐侍政論佛常互是兩菩薩常  
對坐議八方上下來現在之事或時東方  
恒沙佛國無量無數諸菩薩衆皆悉往詣無  
量壽佛所恭敬供養及諸菩薩聲聞之衆南  
西北方四維上下亦復如是見彼嚴淨土微  
妙難思議因發無量心願我國亦然應時世  
尊勸客後咲口出無數光遍照十方國廻光  
圍身三匝入頃一切天人衆踊躍皆歡喜大

士觀世音整服聾者問佛何緣咲唯然願說  
時梵聲猶雷八音暢妙響當授華薩記告言  
仁諦聽十方來正士吾悉知彼願志求嚴淨  
土受汝當作佛覺了一切法猶如夢幻響滿  
足諸妙願必成如是刹知法如電影究竟善  
薩道具諸功德本受汝當作佛通達諸法性

一切空無我專求淨佛土必成如是刹已上  
復水鳥樹林皆演妙法凡所欲聞自然得聞  
如是法樂亦在何處乎此中多依雙觀經  
乎等覺經等意龍  
樹讚曰金底寶間池生華善根所成妙臺座  
於彼座上如山王故我頂禮於陀佛諸有無  
常無我等亦如水月電影露為衆說法無名

字故我頂礼弥陀佛願共諸衆生往生安樂國

第九隨心供佛樂者彼土衆生晝夜六時常持種種天華供養無量壽佛又有意欲供養他方諸佛即前長跪又于白佛則可之皆大歡喜千億万人各自飄飛等輩相追俱共散

飛到八方上下無央數諸佛所皆前作禮供養恭敬如是每日晨朝各以衣幘盛衆妙花供養他方十萬億佛及諸衣服伎樂一切供具隨意出生供養恭敬即以食時還到本國飲食經行受諸法樂或言每日三時供養諸佛行者今從遺教得聞十方佛土種種功德

隨見隨聞。遙生戀慕。各謂言我等何時得見  
十方淨土。得值諸佛菩薩。每對教文。無不嗟  
歎。而若適得生極樂國。或由自力。或承佛力。  
朝往暮來。湏<sup>史</sup>車去湏車還。遍至十方。一切佛  
刹。而奉諸佛值遇。諸大士恒聞正法。受持菩  
提記。乃至普入一切塵刹。作諸佛事。修普賢

行。不亦樂乎。阿弥陀經平等覺經雙觀經意龍樹偈云。彼土  
大菩薩日日於三時供養十方佛。是故贊首  
札。

第十增進佛道樂者。令此娑婆世界修道得  
果甚難。何者。受苦者常憂。受樂者常著。苦云  
樂云。遠離解脫。若昇若沈。無非輪迴。適雖有

發心修行者亦難成就煩惱內催惡緣外牽  
或發二乘心或還三惡道譬言猶水中之月隨  
波易動陣前之軍臨刃則還魚子難長菴菓  
少競如彼身子等六十劫退者是也唯釋迦  
如來於無量劫難行苦行積功累德求菩薩  
道未曾止息觀三千大千世界乃至無有如

芥子許非是菩薩捨身命願為衆生故然後  
乃得成菩提道其餘衆生非已智分衆子力  
微身歿刀箭故龍樹菩薩云譬言如四十里冰  
如有一人以一杓熱湯投之當時似冰澌經  
夜至明乃高於餘者凡夫在此發心救告亦  
復如是以貧賤境順違多故自起煩惱返墮

道已彼極樂國土衆生有多因緣故畢竟  
不退增進佛道一佛悲願力常攝持故二佛  
光常照增善提心故三水鳥樹林風鈴等聲  
常令生念佛念法念僧之心故四純諸菩薩  
以為善友外無惡緣內伏重惑故五壽命永  
劫共佛齊等修習佛道無有生死之間隔故

華嚴偈云若有衆生一見佛必使淨除諸業  
障一見尚尔何況常見由此因緣彼土衆生  
於所有万物無我我所心去來進止心無所  
係於諸衆生得大悲心自然增進悟無生忍  
究竟必至一生補處乃至速證無上菩提為  
衆生故示現八相隨緣在於嚴淨國土轉妙

法輪度諸衆生令諸衆生欣求其國如我今日志願極樂亦往十方引接衆生如弥陀佛大悲本願如是利益不亦樂乎一世勤修是須臾間何不弃衆事求淨土哉願諸行者努力匪懈多依雙觀經并天台十疑等意龍樹偈云彼尊無量方便境無有諸趣惡知識社生不退至菩提

上四二

故我頂礼弥陀佛我說彼尊功德事衆善無邊如海水所獲善根清淨者願共衆生生彼國願共諸衆生往生安樂國

大文第三明極樂證據者有二一對十方二對現率

初對十方者問十方有淨土何唯願生極樂

耶荅天台大師云諸經論處處唯勸衆生偏  
念阿彌陀佛令求西方極樂世界無量壽經  
觀經往生論等數十餘部經論文懸懃指授  
勸生西方是以偏念也已<sup>上</sup>大師披閱一切經  
論九十五遍應知所述不可不信迦才師三  
卷淨土論引十二經七論一無量壽經二觀

經三小阿彌陀經四鼓音聲經五稱揚諸佛  
功德經六發覺淨心經七大集經八十往生  
經九藥師經十般舟三昧經十一阿彌陀  
經十二無量清淨平等覺經已上雙觀無量  
大阿彌陀經  
毒經清淨覺經  
同本異譯也一往生論二起信論三十住毗  
婆沙論四一切經中於陀偈五寶性論六龍

樹十二札偈七攝大乘論弥陀偈已上智慴

師同之

私加云法華經藥王品四十華嚴經普賢願  
目連所問經三千佛名經無字寶篋經千手  
陀羅尼經十一面經不空羂索如意輪隨求  
尊勝無垢淨光光明阿陀等諸顯密教中  
專勸懲樂不可稱計故偏願求問佛言諸佛

淨土實無差別何故如來偏讚西方答隨願  
往生經佛決此疑言娑婆世界人多貪濁信  
向者少習邪者多不信正法不能專一心亂  
無志實無老別令諸衆生專心有在是故讚  
歎彼國土耳諸往生人悉隨彼願無不獲果  
又心地觀經云諸佛子等應當至心求見一

佛及一菩薩如是名為出世法要云云是故  
專求一佛國也問為專其心何故於中唯勸  
極樂答設勸餘淨土亦不避此難佛意難測  
唯可仰信譬若癡人墮於火坑不能自出知  
識救之以一方便癡人得力應務速出何暇  
縱橫論餘術計行者亦余勿生他念如日連

所問經云譬如万川長流有浮草木前不顧  
後後不顧前都會大海世間亦余雖有豪貴  
富樂自在悉不得免生老病死只由不信佛  
經後世為人更甚因剝不能得生千佛國土  
是故我說無量壽佛國易往易取而人不能  
修行往生反事九十五種邪道我說是人名

無眼人名無耳人阿彌陀經云我見是利故

說是言若有信者應當發願生彼國土已佛

誠懸懃唯應仰信况復非無機緣何強拒之

如天台十疑云阿彌陀佛別有大悲四十八

願接引衆生又彼佛光明遍照法界念佛衆

生攝取不捨十方各恒河沙諸佛舒舌覆三

上四九

千界證誠一切衆生念阿彌陀佛乘佛大悲

本願力歎定得生極樂世界又無量壽經云

末後法滅之時特留此經百年在世接引衆

生生彼國土故知阿彌陀與此世界極惡衆

生偏有因緣已慈恩云末法万年餘經悉滅

於陀一教利物偏增大聖特留百歲時經末

法滿一萬年一切諸經並從滅沒釋迦恩重  
留教百年已上又懷感禪師云般舟三昧經說  
跋陀和善薩請釋迦牟尼佛言未來衆生云  
何得見十方諸佛佛教令念阿彌陀即見十  
方一切佛以此佛特興娑婆衆生有緣先於  
此佛專心稱念三昧易成已上又觀音勢至本

於是土修菩薩行轉生彼國宿緣所追豈無  
機應耶

第二對兜率者問玄奘三藏云西方道俗並  
作弥勒業為同欲界其行易成大小乘師皆  
許此法彌陀淨土恐凡鄙穢修行難成如舊  
經論七地已上菩薩隨分見報佛淨土依新

論意三地菩薩始可得見報佛淨土豈容下品凡夫即得往生已天竺既余令何勸極樂耶吾中國邊州其慶雖異顯密教門其理是同如今所引證據既多寧可背佛教之明文從天竺之風聞耶何況祇洹精舍無常院令病者面西作往佛淨刹想具如下臨終行儀

上平

明知佛意偏勸極樂西域風俗豈乘之耶又懷感禪師群疑論於極樂兜率立十二勝劣一化主佛菩薩別故二淨穢土別三女人有無四壽命長短五內外有無天內院不退外院有退西方悉無退六五襄有無七相好有無八五通有無九不善心起不起十滅罪多少謂稱弥勒名除

千二百劫罪稱弥陀名滅八十億劫罪十一  
苦受有無十二受生異謂天在男女膝下懷  
中西方在華裏殿中雜二處勝劣其義如斯  
然並佛勸讚莫相是非已上凡立二  
界勝劣差別慈恩立

十異前八不出感師所立故不更抄其第九  
云西方佛來迎兜率不令感師云來迎同也

第十五云西方經論懇懃勸極多兜率非多亦  
非懶懶云云感師又於往生難易立十五同  
義八異義八異義者一本願異謂彌陀有引  
攝願彌勒無願無願若自浮度水有願若乘  
舟而遊水二光明異謂彌陀佛光照念佛衆  
生攝取不捨於勒不令光照如晝日之遊無

光似暗中來往三守護異謂無數化佛觀音  
勢至常至行者所又稱讚淨土經云十方十  
競伽沙諸佛之所攝受又十往生經云佛遣  
二十五菩薩常守護行人兜率不専有護若  
多人共遊不畏強賊所逼無護似孤遊險徑  
必為暴客所侵四鄙舌異謂十方佛鄙舌證

成兜率不専五衆聖異謂華聚菩薩山海慧  
菩薩發弘誓願若有一衆生生西方不盡我  
若先去不取正覺六滅罪多少如前七重惡異  
謂造五逆罪亦得生西方兜率不専八教說  
異謂無量壽經云橫截五惡趣惡趣自然閑  
昇道無窮極易往而無人兜率不専十五同

義猶不可說於難生兜異有八門而乃說言  
難往請諸學者尋理及教鑒其難易二門可  
永除其惑矣

已上畧抄但十五  
周義可見彼論

問玄奘所傳

不可不會答西域行法暗以難決今誠會云

西域行者多有小乘

十五國學大乘十五國  
大小乘學四十一國學

小乘上生兜率大小共許往他方佛土大許小

不許彼共許故並云兜率流沙以東盛興大  
乘不可同彼西域難行何況諸教興隆不必  
一時就中念佛之教多利未代經道滅後濁  
惡衆生計也彼時天竺未興咸歟若不允者  
上足基師豈容別著西方要汝立十勝劣勸  
自他耶問心地觀經云戒今弟子付弥勒龍

花會中得解脫豈非如來勸進兜率答此亦  
無違誰遞上生心地等兩三經然不如極樂  
之文顯密且千又大悲經第三云於當來世  
法欲滅時當有比丘比丘尼於我法中得出  
家已手牽兒辟而共遊行從酒家至酒家於  
我法中作非梵行乃至但使性是沙門汙沙門

行自稱沙門形似沙門當有被著袈裟衣者  
於此賢劫彌勒為首乃至最後盧遮佛所入  
般涅槃無有遺餘何以故如是一切諸沙門  
中乃至一稱佛名一生信者所作功德終不  
虛設已上心地觀經意亦如是故彼經云龍花  
不云都寧今案之從釋尊入滅至慈尊出世

滿五十七俱服六十百千歲

新婆沙意

其間輪迴

剗苦幾處乎何不願終焉之暮即託達胎而期留悠悠生死至龍花會耶何況若適生極樂者晝夜隨念往來都孽宮乃至龍花會中新為對楊首猶如富貴而歸故鄉誰人不欣樂此事耶若有別緣者餘方亦佳凡可隨意

上卷  
樂勿生異執故感法師云志求兜率者勿毀西方行人願生西方者莫毀兜率之業各隨性欲任情修學真相是非何但不生勝慶亦乃輪轉三途云云

大文第四正修念佛者此亦有五如世親菩薩往生論云修五念門行成就畢竟得生安

樂國土見彼阿彌陀佛一礼拜門二讚歎門三作願門四觀察門五迴向門云云此中作願迴向二門於諸行業應通用之

初礼拜者是即三業相應之身業也一心歸命五體投地遙礼西方阿彌陀佛不論多少但用誠心或應念觀佛三昧經文我今礼一

上卷三

佛即礼一切佛若思惟一佛即見一切佛一佛前有一行者接足為禮皆是已身私云  
一切佛者是弥陀分身或是十方一切諸佛或應念能札所神性空寂自身他身體無二願共衆生體解道發無上意歸真際或應依心地觀經六種功德一無上大功德田二無上大恩德三無足二足

及以多足衆生中尊四極難值遇如優曇華  
五獨出三千大千世界六世出世間功德圓  
滿一切義依具如此等六種功德常能利益  
一切衆生已經文極略今須加言以為礼法  
一應念一稱南無佛皆已滅佛道故我歸命  
礼無上功德田二應念慈眼視衆生平等如

一子故我歸命礼極大慈悲母三應念十方  
諸大士恭敬弥陀尊故我歸命礼無上兩足  
尊四應念一得聞佛名過於優曇華故我歸  
命礼極難值遇者五應念一百俱胝界二尊  
不並出故我歸命礼希有大法王六應念佛  
法衆德海三世同一體故我歸命礼圓融万

德尊若樂廣行者應依龍樹菩薩十二禮又有善導和尚六時佛法不可具出設無餘行但依礼拜亦得往生如觀虛空藏菩薩佛名經云阿彌陀佛至心敬禮得離三惡道後生其國

第二讚歎者是三業相應之口業也如十住

上 五十四

婆沙第三云阿彌陀佛本願如是若人念我稱名自歸而入必定得阿耨菩提是故常應憶念以偈稱讚無量光明慧身如真金山我今身口意合掌稽首礼十方現在佛以種種因緣歎彼佛功德我今歸命礼佛足千輻輪柔軟蓮華色見者皆歡喜頭面礼佛足眉間

白毫光猶如清淨月增益面光色頭面礼佛  
足彼佛所言說破除諸罪根美言多所益我  
今稽首礼一切賢聖衆及諸人天衆咸皆共  
歸命是故我亦礼乘彼八道船能度難度海  
自度亦度彼我礼自在者諸佛無量劫讚揚  
其功德猶尚不能盡歸命清淨人我今亦如

是稱讚無量德以是福因緣願佛常念我以  
此福因緣所獲上妙德願諸衆生類皆亦悉  
當得彼論有三十二偈今略抄要具在別抄  
或後往生論偈真言教佛讚阿彌陀別讚此  
等文一遍多遍一行多行但應至誠不論多  
少設無餘行唯依讚歎亦應隨願必得往生

如法華偈云或以歡喜心歌唄頌佛德乃至  
一小音皆已成佛道一音既尔何況常讚佛  
果尚尔何況往生真言讚佛利益甚深不能  
顯露

第三作願門者以下三門是三業相應之意  
業也綽禪師安樂集云大經云凡欲往生淨  
土要湏發菩提心為源云何菩提者乃是無  
上佛道之名也若欲發心作佛者此心廣大  
周遍法界此心長遠盡未來際此心普備離  
二乘障若能一發此心傾無始生死有輪淨  
土論云發菩提心者正是願作佛心願作佛  
心者即是度衆生心度衆生心者即是攝受

衆生生有佛國土心今既願生淨土故先湏  
發菩提心也已上當知菩提心是淨土菩提之  
綱要故取以三門決擇其義行者勿厭繁一  
明菩提心行相二明利益三料簡

初行相者惣謂之願作佛心亦名上求菩提  
下化衆生心別謂之四弘誓願此有二種一

一上五十六

緣事四弘願是即衆生緣慈或復法緣慈也  
二緣理四弘是無緣慈悲也言緣事四弘者  
一衆生無邊捨願度應念一切衆生悉有佛  
性我皆令入無餘涅槃此心即是饒益有情  
戒亦是恩德心亦是緣因佛性應身菩提因  
二煩惱無邊捨願斷此是攝律儀戒亦是斷

德心亦是正因佛性法身菩提因三法門無  
盡擔願知此是攝善法戒亦是智德心亦是  
了因佛性報身菩提因四無上菩提擔願證  
此是願求佛果菩提謂由具足前三行願證  
得三身圓滿菩提還亦廣度一切衆生二緣  
理願者一切諸法本來寂靜非有非無非常

非新不生不滅不垢不淨一色一香無非中  
道生死即涅槃煩惱即菩提翻一一塵勞門  
即是八万四千諸波羅蜜無明變為明如融  
冰成水更非遠物不餘處來但一念心普皆  
具足如意珠非有寶非無寶若謂無者即  
忘語若謂有者即邪見不可以心知不可以

言辯衆生於此不思議不縛法中而思想作  
縛於無脫法中而求於脫是故普於法界一  
切衆生起大慈悲興四弘誓是名順理發心  
是最上菩提心可見止觀第一又思益經云知一切  
法非法知一切衆生非衆生是名菩薩發無  
上菩提心又莊嚴善提心經云菩提心者非  
提為始行衆生故說有菩提乃至然於是中亦

有非造離於文字善提即是心心即是衆生  
若能如是解是名菩薩修善提菩提非過去  
未來現在如是心衆生亦非過去未來現在  
能如是解名為菩薩然於是中實無所得以  
無所得故得若於一切法無所得是名得善  
提為始行衆生故說有菩提乃至然於是中亦

無有心亦無造心者亦無有菩提亦無造菩

提者亦無有衆生亦無造衆生者乃至此二

至云

四弘各有二義一云初二願拔衆生苦集二  
諦苦後二願與衆生道滅二諦樂二云初一  
紓他後三紓自謂拔衆生二諦苦與衆生二  
諦樂惣在初願中為欲究竟圓滿此願更紓

上卷十七

自身發後三願如大般若經云為利有情求  
大菩提故名菩薩而不依著故名摩訶薩已上  
又前三是因是別第四是果是惣四弘已後  
可云自他法界同利益共生極樂成佛道心  
中應念我與衆生共生極樂圓滿究竟前四  
弘願若有別願者四弘前唱之若心不淨非

正道因若心有限非大菩提若無至誠其力  
不強是故要須清淨深廣誠心不爲勝他名  
利等事而於佛眼所照無盡法界一切衆生  
一切煩惱一切法門一切佛德發此四種之  
願行也問於何法中求無上道答此有利鉢  
二堯別如大論云如黃石中有金性白石中

有銀性如是一切世間法中皆有涅槃性諸  
佛賢聖以智慧方便持戒禪定引導令得是  
涅槃法性利根者即知是諸法皆是法性譬  
如神通人能變瓦石皆使爲金鉢根者方便  
分別求之乃得法性譬如大冶數石然後得  
金已又云苦行頭陀初中後夜勤心觀禪普

而得道聲聞教也觀諸法相無縛無解心得  
清淨菩薩教也如文殊師利本緣已即引無  
行經喜根菩薩偈云婬欲即是道恚癡亦如  
是如此三事中無量諸佛道若有人分別婬  
怒癡及道是入去佛道譬如天與地如是有  
七十餘偈又同論云一切法不可得是名佛  
道即是諸法實相此不可得亦不可得略  
抄又  
迦葉菩薩白佛言一切諸法中悉有安樂性  
唯願大世尊為我分別說又般若經云一切  
有性皆如來藏普賢菩薩自體徧故法句經  
云諸佛依貪瞋而處於道場塵勞諸佛種本  
來無所動五蓋及五欲為諸佛種性常以是

莊嚴本來無所動諸法從本來無是亦無非  
是非性寂滅本來無所動

已上六文是利根人菩提心耳問

煩惱菩提若一體者唯應任意起惑業耶答  
生如是解名之為惡取空者專非佛弟子今  
又質云汝若煩惱即菩提故欣起煩惱惡業  
亦應生死即涅槃故欣受生死苦何故於

利那苦果猶厭難堪於求劫苦因欣自恣作  
是故當知煩惱菩提體雖是一時用異故染  
淨不同如水與冰亦如種菓其體是一隨時  
用異由此修道者顯本有佛性不修道者終  
無顯理如涅槃經三十二云善男子若有人  
問是種子中有果無果耶應定答言亦有亦

無何以故離子之外不能生果是故名有子  
未出牙是故名無以是義故亦有亦無所以  
者何時節有異其體是一衆生佛性亦復如  
是若言衆生中別有佛性者是義不然何以  
故衆生即佛性佛性即衆生直以時異有淨  
不淨善男子若有問言是子能生果不是果

能生子不應定答言亦生不生

上問凡夫不

堪勤修何虛發弘願耶答設不堪勤修猶湏  
發悲願其益無量如前後明調達誦六方藏  
經猶不免那落慈童發一念悲願忽得生兜  
率則知昇流差別在心非行何況誰人一生  
之中不一稱南無佛不一食施衆生湏以此

等微妙善根皆應攝入四弘願行故行願相應不為虛妄願如優婆塞戒經第一云若人不能一心觀察生死過各涅槃安樂如是之人雖復慧施持戒多聞終不能得解脫分法若能狀患生死過各深見涅槃功德安樂如是之人雖復少施小戒小聞即能獲得解脫

分法

已上於無量世以無量財施無量人於無量佛所受持禁戒於無量世無量佛

所受持讀誦十二部經名為多施戒聞以一把匙施一乞人一日一夜受持八禁讀一四句偈名少施戒聞如經廣說

是故行者隨事用心乃至一

善無空過者如大般若經云若諸菩薩行深般若波羅蜜多方便善巧無有一心一行空過而不迴向一切智者已上問云何用心答如

寶積經九十三云湏食施食為具足一切智力故湏飲施飲為斷渴愛力故湏衣施衣為得無上慚愧衣故施坐處為坐菩提樹下故施燈明為得佛眼明故施紙墨等為得大智慧故施藥為除衆生結使病故如是乃至或自無財當生心施欲得開示無量無邊一切

衆生有力無力如上布施是我善行

已上經文甚廣

今略抄之可見如是隨事常發心願願令此衆生速成無上道願我如是漸漸成就第一願行圓滿檀度速證菩提廣度衆生發一愛語施一利行同一善事唯此應知若暫制伏一念惡時應作是念願我如是漸漸成就第二願行

斷諸惑業速證菩提廣度衆生若讀誦修習  
一文一義時應作是念願我如是漸漸成就  
第三願行學諸佛法速證菩提廣度衆生觸  
一切事常作用心我從今身漸漸修學乃至  
生極樂自在學佛道速證菩提究竟利益若  
常懷此念隨力修行者如涕雖微漸盈大器

此心能持巨細万善不令漏落必至菩提如  
華嚴經入法界品云譬如金剛能持大地不  
令墜沒菩提之心亦復如是能持菩薩一切  
願行不令墜落沒於三界云云問凡夫不堪  
常途用心久時善根為唐捐耶答若至誠心  
心念口言我從今日乃至一善不為已身有

漏果報盡為極樂盡為菩提發此心後所有  
諸善若覺不覺自然趣向無上菩提如一穿  
渠溝諸水自流入轉至江河遂會大海行者  
亦余一發心後諸善根水自然流入四弘願  
渠轉生極樂遂會菩提薩婆若海何況時時  
穩念前願具如下廻向門問凡夫無力能捨

難捨或復貧乏以何方便令心順理答寶積  
經云如此布施若無有力不能學之不能捨  
財是菩薩應如是思惟我今當勤加精進時  
時漸漸斬除慳貪憊惜之垢我當勤加精進  
時時漸漸學捨財施與常令我施心增長廣  
大已上又曰吳經偈云若有貧窮人無時可布

施見他修施時而生隨喜心隨喜之福報與  
施等無異十住毗婆沙偈云我今是新學善  
根未成就心未得自在願後當相與上行者  
應當如是用心問此中緣理發菩提心亦可  
信因果勤修行道耶答理必可然如淨名經  
云雅觀諸佛國及與衆生空而常修淨土教

化諸群生中論偈云雖空亦不斷雖有而不  
常業果報不失是名佛所說又大論云若諸  
法皆空則無衆生誰可度者是時悲心便弱  
或時以衆生可愍於諸法空觀弱若得方便  
力於此二法等無偏黨大悲心不妨諸法實  
相得諸法實相不妨大悲生如是方便是時

便得入菩薩法位住阿鞞跋致地

略抄間若偏

生解其過云何答無上依經上卷明空見云  
若有人執我見如須弥山大我不驚怖亦不  
毀呰增上慚人執著空見如一毘<sup>毘作十六</sup>毘  
分我不許可又中論第二偈云大聖說空法  
為離諸見故若復見有空諸佛所不化佛藏

緣念僧品破有所得執云有所得者說有我  
人壽者命者憶念分別與所有法或說斷常  
或說有作或說無作我清淨法以是因緣漸  
漸滅盡我久在生死受諸苦惱所成菩提是  
諸惡人<sup>余時</sup>毀壞略抄又同經淨戒品云我見  
人見衆生見者多墮邪見斷滅見者多疾得

道何以故是易捨故是故當知是人寧自以

利刀割舌不應衆由不淨說法有所得執名爲不淨

論益明二執過云譬如人行陝道一邊深水  
一邊大火二邊俱死著有著無二事俱失已

是故行者常觀諸法本來空寂亦常修習四  
弘願行如依空地造立宮舍唯地唯空終不

能成此是由諸法三諦相即故中論偈云目  
緣所生法我說即是空亦名爲假名亦是中  
道義云云更檢止觀問執有之見罪過既重  
緣事菩提心豈有勝利耶若堅執有時過失  
乃生所言緣事非必堅執若不余者應無見  
有得道之類見空亦余譬如有火手觸爲害

不觸有益空有亦余二明利益者若人如說  
發善提心設少餘行隨願決定往生極樂如  
上品下生之類是也如是利益無量今略示  
一端正觀云寶梁經云比丘不修比丘法大  
千無唾處況受人供養六十比丘悲泣白佛  
我等乍死不能受人供養佛言汝起慇懃心

善哉善哉一比丘白佛言何等比丘能受供  
養佛言若在比丘數修僧業得僧利者是人  
能受供養四果向是僧數三十七品是僧業  
四果是僧利比丘重白佛若發大乘心者復  
云何佛言若發大乘心求一切智不墮數不  
修業不得利能受供養比丘驚問云何是人

能受供養佛言是人受衣用敷大地受揣食  
若須弥山亦能畢報施主之恩當知小乘之  
慚果不及大乘之初心已上消信施又云如來密

藏經說若人父爲緣覺而害盜三寶物母爲  
羅漢而汙不實事謗佛兩舌間賢聖惡口罵  
聖人懷亂求法者五逆初業之瞋奪持戒人

物之貪邊見之癡是爲十惡者若能知如  
來說因緣法無我人衆生壽命無生無滅無  
染無著本性清淨又於一切法知本性清淨  
解知信入者我不說是人趣向地獄及諸惡  
道何以故法無積聚法無集惱一切法不生  
不住因緣和合而得生起生已還滅若心生

已滅一切結使亦生已滅如是解無犯處若  
有犯有住無有是處如百年闔室若燃燈時  
闔不可言我是室主住此久而不肯去燈若  
生闔即滅其義亦如是此經具指前四菩提  
心已上在彼經下卷言前  
四者指四教菩提心華嚴經入法界品  
云譬言如善見藥王滅一切病善提心滅一切

衆生諸煩惱病譬言如牛馬羊乳合在一器以  
師子乳投彼器中餘乳消盡直過無礙如來  
師子菩提心乳者無量劫所積諸業煩惱乳  
中皆悉消盡不住聲聞緣覺法中大般若經  
云若諸菩薩雖多發起五欲相應非理作意  
而起一念無上菩提相應之心即能折滅已

三文滅入法界品云譬言如有人得不可壞藥

一切悉敵不得其便善薩摩訶薩亦復如是  
得菩提心不壞法藥一切煩惱諸魔悉敵所  
不能壞譬如有人得住水寶珠瓔珞其身入  
深水中而不沒溺得菩提心住水寶珠入生  
死海而不沈沒譬言如金甌於百千劫處於水

中而不爛壞亦無變異菩提之心亦復如是

於無量劫處生死中諸煩惱業不能斷滅亦  
無損滅又同經法幢菩薩偈云若有智慧入  
一念發道心必成無上尊慎莫生疑惑已上  
敗壞必至  
終不  
善提益又入法界品云譬如闇浮檀金除

如意寶勝一切寶菩提之心闇浮檀金亦復

如是除一切智勝諸功德譬喻迦樓羅伽鳥  
在磬中時有大勢力餘鳥不及菩薩摩訶薩  
亦復如是於生死磬發菩提心功德勢力聲  
聞緣覺所不能及譬如波利質多樹花一日  
薰衣瞻蕎華婆師花雖千歲薰所不能及菩  
提心花亦復如是一日所薰功德香徹十方  
佛所聲聞緣覺以無漏智薰諸功德於百千  
劫所不能及譬如金甃雖破不全一切衆寶  
猶不能及菩提之心亦復如是雖少懈怠聲  
聞緣覺諸功德寶所不能及已上經中有二  
百餘喻可見  
賢首品偈云菩薩於生死取初發心時一向  
求菩提堅固不可動彼一念功德深廣無涯

此言發心通於凡

九聖具見弘決

際如來分別說窮劫不能盡  
又同經偈云一切衆生心悉可分別知一切  
刹焱塵尚可算其數十方虛空界一毛猶可  
量菩薩初發心究竟不可測又出生菩提心  
經偈云若此佛刹諸衆生令住信心及持戒  
如彼最上大福聚不及道心十六分若諸佛

利恒河沙皆悉造寺求福故復造諸塔如須  
弥不及道心十六分乃至如是人等復勝法若  
求菩提利衆生彼等衆生寂勝者此無比類  
況有上是故得聞此諸法智者常生樂法心  
當得無邊大福聚速得證於無上道寶積經  
偈云菩提心功德若有色方分周遍虛空界

無能客受者云云菩提心有如是勝利是故  
迦葉菩薩礼佛偈云發心畢竟二無別如是  
二心前心難自未得度先度他是故我礼初  
發心又弥伽大士聞善財童子已發菩提心  
即從師子座下放大光明照三千界五體投  
地禮讚童子已上總勝利問緣事誓願亦有勝利

耶若雖不如緣理此亦有勝利何以知者上  
品下生業云但發無上道心不云解第一義  
故知唯是事菩提心若不爾者與彼中生業  
應無別其往生論明菩提心但云以拔一切  
衆生苦故以令一切衆生得大菩提故以攝  
取衆生生彼國土故云云若緣事心無往生

力論主豈不示緣理心其二大論第五偈云若初發心時捨願當作佛已過諸世間應受世供養云云此論亦但云願作佛明事菩提心亦異消信施其三止觀引秘密藏經已云初菩提心已能除重重十惡其四第二第三第四菩提心耶云云所言初者是三藏教緣界內事

善提心也何況深信一切衆生悉有佛性普願自他共成佛道豈無滅罪其四唯識論云不執菩提有情實有無由發起猛利悲願其五大士悲願尚執有起則知事願亦有勝利其六餘如下廻向門問信解衆生本有佛性豈非緣理其七答此是信解大乘至極道理非必第一義

空相應觀慧問十疑引雜集論云若有願生安樂淨土即得往生者若人聞無垢佛名即得阿耨菩提者此是別時目全無行已慈恩同云願行前後故說別時非謂念佛不即生

也上已明知有願無行是別時意云何上品下生之人但由菩提願即得往生耶答大菩提

心功能甚深滅無量罪生無量福故求淨土隨求即得所言別時意者但爲自身願求極樂非是四弘願廣大菩提心問大菩提心若由此力一切菩薩從初發心決定應無墮惡趣者答菩薩未至不退位前染淨二心間雜而起前念雖滅衆罪後念更造衆罪又菩提

心有淺深強弱惡業有久近定不定是故退位昇沉不定非菩提心無滅罪力且述愚管見者取捨

三料簡者問入法界品云譬喻金剛從金性生非餘寶生菩提心寶亦復如是大悲救護衆生性生非餘善生莊嚴論偈云羅桓處地

發不障大菩提若起自利心是大菩提障又丈夫論偈云悲心施一人功德大如地爲已施一切得報如芥子救一厄難人勝餘一切施衆星難有光不如一月明已上明自利行非是菩提心之所依得報亦少云何獨願速生極樂豈不前言願極樂者要發四弘願隨

願而勤修此豈非是大悲心行又願求極樂  
非是自利心所以然者今此娑婆世界多諸  
留難其露未沾苦海朝宗初心行者何暇修  
道故今爲欲圓滿菩薩願行自在利益一切  
衆生先求極樂不爲自利如十住毘婆沙云  
自未得度不能度彼如人自沒於泥何能拯

濟餘人又如爲水所濶不能濟溺是故說我  
度已當度彼又如法句偈說若能自安身在  
於善處者然後安餘人自同於所利已上故十  
衆言所以求生淨土欲救拔一切衆生苦故  
即自思忖我今無力若在惡世煩惱境中以  
境強故自被縛三途動經數劫如此

輪轉無始已來未曾休息何時能得救衆生  
苦爲此求生淨土親近諸佛證無生忍方能  
於惡世中救衆生苦上已餘經論文具如十疑  
也應知念佛修善爲業因往生極樂爲花報  
證大菩提爲果報利益衆生爲本懷譬如今世  
間植木開花因花結果得菓食受問念佛之

行於四弘中是何行攝答修念佛三昧是第  
三願行隨有所伏滅是第二願行遠近結良  
緣是第一願行積功累德成第四願自餘衆  
善例知不俟問一心念佛理亦往生何要經  
論勸菩提願答大莊嚴論云佛國事大獨行  
功德不能成就要須願力如牛雖力挽車要

湧御者能有所至淨佛國土由願引成以願  
力故福慧增長已上十住毗婆沙論云一切諸  
法願爲根本離願則不成是故發願又云若  
人願作佛心念阿彌陀應時爲現身是故我  
歸命已上大菩提心既有此力是故行者要發  
此願問若不發願者終不往生耶答諸師不

同有云九品生人皆發菩提心其中品人本  
雅是小乘後發大心得生彼國由彼本習暫  
證小果其下品人雖退大心而其勢力猶在  
得生慈恩同之有云中下品但由福分生上品具  
福分道分生云云道分者是菩提心行也問  
如菩提心諸師異解欣淨土心亦不同耶答

大菩提心雖有異說欣淨土之願九品皆應  
具問若淨土業依願得報如人作惡不願地  
獄彼不應得地獄果報答罪報有量淨土報  
無量二果既別二因何一例如大論第八云  
罪福雖有定報但作願者修小福有願力故  
得大果報一切衆生皆願得樂無願苦者是

故不願地獄以是故福有無量報罪報有量  
略問以何等法世世增長大菩提願而不忘  
失答十住婆沙第三偈云乃至失身命轉輪  
聖王位於此尚不應妄語行詭曲能令諸世  
間一切衆生類於諸菩薩衆而生恭敬心若  
有人能行如是之善法此得增長無上善

提願

文中亦有六二種  
尖善提心法可見

往生要集卷上

149636



